

## 17. ZDRAVSTVENA ZAŠTITA

U skladu sa zakonima i podzakonskim aktima određene kategorije korisnika mogu ostvariti pravo na zdravstveno osiguranje ukoliko nisu zdravstveno osigurani po drugom osnovu, ito:

- a) korisnik prava na stalnu novčanu pomoć,
- b) lice starije od 65 godina (muškarci), odnosno od 60 godina (žene);
- c) civilna žrtva rata;
- d) dijete od rođenja do polaska u osnovnu školu, ako nije zdravstveno osigurano kao članu porodice osiguranika;
- e) lice smješteno i u postupku smještaja u ustanovu socijalne zaštite
- f) lice koje je žrtva nasilja u porodici i zajednici
- g) nezaposlene samohrana majka-porodilja za vrijeme trudnoće,

porođaja i do starosti djeteta do godinu dana;

- h) lice sa invaliditetom i lice ometene u psihičkom ili fizičkom razvoju u smislu člana 13. Kantonalnog zakona;
- i) dijete i odraslo lice smješteno u hraniteljsku porodicu.

Pravo na zdravstvenu zaštitu ostvaruju i članovi porodice lica pod tačkama a), b), c) i g), ukoliko su radno nesposobni i ne ostvaruju pravo na zdravstvenu zaštitu po drugom osnovu.

Provođenje postupka priznavanja prava na zdravstveno osiguranje za navedene korisnike se vrši putem centara za socijalni rad i nadležne općinske službe za društvene djelatnosti u gradu/općinama: Zenica, Maglaj, Usora i Doboju-Jug.

## 18. USLUGE SOCIJALNOG I DRUGOG STRUČNOG RADA

Uslugama socijalnog i drugog stručnog rada smatra se savjetodavni rad koji se najčešće obavlja u centrima za socijalni rad u rješavanju raznih individualnih i porodičnih problema, kao što su:

- porodični i bračni problemi,
- problemi nastali zbog trenutnog stanja socijalne potrebe,
- preventivni i motivaciono savjetodavni razgovori,

- rješavanje svakodnevnih problema korisnika i sl.
- te poduzimanje mjera i akcija u saradnji sa mjesnim zajednicama i drugim organima na suzbijanju i sprečavanju društveno neprihvatljivog ponašanja djece i ostalih pojedinaca, porodica i društvenih grupa.